

Visoki predstavnik imenovao novog supervizora za Distrikt Brčko

Visoki predstavnik, Paddy Ashdown, imenovao je u petak Susan R. Johnson na funkciju supervizora za Distrikt Brčko i zamjenika visokog predstavnika.

Kao iskusni američki diplomata, gđa Johnson ima veliko iskustvo u radu i u vladi i van nje te je temeljito je upoznata sa pitanjima tranzicije.

U vrijeme kada je radila u američkom State Department-u, supervizor Johnson je vršila visoke dužnosti u ambasadama SAD u Rumuniji, Rusiji, Pakistanu i Mauricijusu, te u američkoj misiji pri UN-u u New Yorku. Također je vršila dužnost specijalnog pomoćnika podsekretara za politička pitanja za Bliski Istok i Južnu Aziju i višeg savjetnika u Uredu sekretara za resurse, planiranje i politiku. Pored toga, supervizor Johnson je vršila dužnost savjetnika za vanjsku politiku u američkom Senatu i višeg suradnika na programu za Aziju i Islamski svijet pri Nacionalnoj fondaciji za demokraciju.

Prije preuzimanja dužnosti supervizora za Distrikt Brčko, gđa Johnson je vršila dužnost višeg savjetnika pri iračkom ministarstvu vanjskih poslova i direktora ureda za civilne poslove u privremenoj koalicionoj upravi u Bagdadu.

Visoki predstavnik izražava zahvalnost gosp. Gerhardu Sontheimu, koji je odigrao neprocjenjivu i uspješnu ulogu vršioca dužnosti supervizora za Distrikt Brčko u protekla tri i pol mjeseca.